



ПСАЛТИРЬ

И МОЛИТВЫ
ПО УСОПШИМ

УДК 243
ББК 86.372
П86

*Рекомендовано к публикации
Издательским Советом Русской Православной
Церкви
(ИС 14-323-2855)*

П86 **Псалтирь и молитвы по усопшим.** — М.: Благовест, 2014. — 560 с.

**УДК 243
ББК 86.372**

ISBN 978-5-9968-0339-2

© Издательство «Благовест» — текст,
оформление, оригинал-макет, 2014



СОДЕРЖАНИЕ

ПСАЛТИРЬ ПРОРОКА ДАВИДА	3
Молитвы перед началом чтения Псалтири	5
Кафисма первая. Псалмы 1—8	9
Кафисма вторая. Псалмы 9—16	24
Кафисма третья. Псалмы 17—23	40
Кафисма четвертая. Псалмы 24—31	59
Кафисма пятая. Псалмы 32—36	78
Кафисма шестая. Псалмы 37—45	95
Кафисма седмая. Псалмы 46—54	115
Кафисма осмая. Псалмы 55—63	134
Кафисма девятая. Псалмы 64—69	150
Кафисма десятая. Псалмы 70—76	167
Кафисма перваянадесять. Пс. 77—84	187
Кафисма втораянадесять. Пс. 85—90	208
Кафисма третьянадесять. Пс. 91—100	226
Кафисма четвертаянадесять. Пс. 101—104	243
Кафисма пятаянадесять. Пс. 105—108	260
Кафисма шестаянадесять. Пс. 109—117	277
Кафисма седмаянадесять. Пс. 118	292
Кафисма осмаянадесять. Пс. 119—133	313
Кафисма девятаянадесять. Пс. 134—142	328
Кафисма двадесятая. Пс. 143—150	346
Молитвы по прочтении нескольких кафисм или всей Псалтири	362
О чтении Псалтири по усопшему	367
МОЛИТВЫ И КАНОНЫ ПО УСОПШИМ	373
Канон молебный к Пречистой Богородице, Матери Господни, при разлучении души от тела	375

Последование по исходе души от тела	392
Канон за преставльшагося	398
Канон о усопших многих	415
Панихида и лития	438
Панихида для чтения мирянином дома и на кладбище	438
Чин литии, совершаемой мирянином дома и на кладбище	468
Чин литии в пасхальный период, совер- шаемой мирянином дома и на кладбище.	474
Как молиться за умерших без покаяния	
Канон преподобному Паисию Великому	482
О преподобном Паисии Великом	501
Как молиться за умерших без святого крещения	
Канон святому мученику Уару	503
О святом мученике Уаре	521
Молитвы по усопшим	524
Родителей за детей	524
Детей за родителей	526
Лишившегося супруги	529
Вдовицы за супруга	532
Молитва за умершего скоропостижно (внезапно)	535
Молитва за скончавшихся вне своего отечества, за безродных и убогих.	538
Молитва об упокоении скончавшихся после тяжелой и продолжительной болезни	541
Молитва о скончавшихся в состоянии душевного заболевания	545
Моление о упокоении православных вои- нов, за веру и Отечество убиенных	551
Значение молитв по усопшим	557



**ПЯТЬ
ПО
УГОШИЯ**



МОЛИТВЫ ПЕРЕД НАЧАЛОМ ЧТЕНИЯ ПСАЛТИРИ



*Разумно да будет,
како подобает особь пѣти Псалтирь*
Аще иерей, глаголет: Благословѣн
Бог наш, всегда, ныне и присно, и во
вѣки вѣковъ.

Аще ли ни, глаголи умилѣнно: Молит-
вами святыхъ отецъ нашихъ, Господи
Иисусе Христе Боже наш, помилуй
нас. Аминь. Царю Небесный. Три-
святое. *И по Отче наш...*

Тропарі сия, глас 6

Помилуй нас, Господи, помилуй
нас, всякаго бо отвѣта недоумѣюще,
сию Ти молитву яко Владыце грѣш-
нии приносим: помилуй нас.

Слáва: Честно́е проро́ка Твоего́, Го́споди, торже́ство, Не́бо Це́рковь пока́за, с челове́ки лику́ют А́нгели. Того́ моли́твами, Христе́ Бо́же, в ми́ре упра́ви живо́т наш, да поём Ти: Аллилу́иа.

И ны́не: Мнóгая мно́жества мо́их, Богоро́дице, прегрешéний, к Тебé прибе́гох, Чи́стая, спасéния трéбуя: посети́ немощствую́щую мою́ ду́шу и моли́ Сы́на Твоего́ и Бо́га на́шего да́ти ми оставлéние, я́же соде́ях лю́тых, Еди́на Благословéнная.

Го́споди, помíлуй (40).

И поклонíся, ели́ко ти мо́щно.

ТА́ЖЕ МОЛÍТВА

СВЯТÉЙ ЖИВОНАЧА́ЛЬНОЙ ТРО́ИЦЕ

Всесвята́я Трoи́це, Бо́же и Сodéтелю всего́ ми́ра, поспешí и напра́ви се́рдце моё́ нача́ти с ра́зумом и конча́ти де́лы благíми богодухнове́нныя сия́ кнíги, я́же Святы́й Ду́х усты́ Дави́до-

вы отрыгну, ихже ныне хочу глаголати аз, недостойный, разумя же свое невежество, припадая молюся Ти, и еже от Тебе помощи прося: Господи, управи ум мой и утверди сердце мое, не о глаголании устен стужати си, но о разуме глаголемых веселитися, и приготовитися на творение добрых дел, яже учуся, и глаголю: да добрыми делы просвещен, на судищи десныя Ти страны причастник буду со всеми избранными Твоими. И ныне, Владыко, благослови, да, воздохнув от сердца, и языком воспую, глаголя сие:

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему*.

* «Приидите, поклонимся...» читается перед каждой кафисмой.

*Та́же посто́й ма́ло, до́ндеже ути-
ша́тся вся чу́ства. Тогда́ сотво-
ри́ нача́ло не вско́ре, без ле́ности, со
умиле́нием и сокруше́нным се́рдцем.
Рцы́ си́е: «Блаже́н муж...» ти́хо и
разу́мно, со внима́нием, а не бор-
зя́ся, я́коже и умом разумева́ти
глаго́лемая.*





Приидѣте, поклонѣмся Царѣви нашему
Бѣгу. (*Поклон.*)

Приидѣте, поклонѣмся и припадѣм
Христу, Царѣви нашему Бѣгу. (*Поклон.*)

Приидѣте, поклонѣмся и припадѣм
Самому Христу, Царѣви и Бѣгу нашему.
(*Поклон.*)

ПСАЛОМ ДАВИДУ,
НЕ НАДПИСАН У ЕВРЕЙ, 1

¹Блажен муж, иже не иде на совет
нечестивых и на пути грешных не
ста, и на сѣдалищи губителей не сѣ-
де, ²но в законѣ Господни воля его, и
в законѣ Его поучится день и ночь.
³И будет яко древо насажденое при

исходищих вод, еже плод свой даст во время своё, и лист его не упадет, и вся, елика аще творит, успеет. ⁴Не тако нечестивии, не тако, но яко прах, егоже возметает ветер от лица земли. ⁵Сего ради не воскреснут нечестивии на суд, ниже грешницы в совет праведных. ⁶Яко весть Господь путь праведных, и путь нечестивых погибнет.

Псалом Давиду, 2

¹Вскую шаташася языцы, и людие поучишася тщетным? ²Предсташа царие земстии, и князи собрашася вкупе на Господа и на Христа Его. ³Расторгнем узы их и отвержем от нас иго их. ⁴Живый на Небесех посмеется им, и Господь поругается им. ⁵Тогда возглаголет к ним гневом Своим и яростию Своею смятет я. ⁶Аз же поставлен есмь Царь от Него над Сионом, горю святою Его, ⁷возвещаяй повеление Господне. Господь рече ко Мне: Сын Мой еси Ты, Аз днесь родих Тя. ⁸Проси от

Менé, и дам Ти язы́ки досто́яние Твое́,
и одержа́ние Твое́ концы́ земли. ⁹Упа-
се́ши я́ жезло́м желе́зным, я́ко сосу́ды
скуде́льничи сокруши́ши я́. ¹⁰И ны́не,
ца́рие, разуме́йте, накажи́тесь вси су-
дя́щи земли. ¹¹Рабо́тайте Го́сподеви
со стра́хом и ра́дуйтесь Ему́ с трéпе-
том. ¹²Приими́те наказáние, да не ког-
да́ прогне́вается Го́сподь и поги́бнете
от пу́ти пра́веднаго, егда́ возгорíтся
вскóре я́рость Его́. Блаже́ни вси наде́-
ющиися Нань.

**¹ПСАЛО́М ДАВИ́ДУ,
ВНЕГДА́ ОТБЕГА́ШЕ ОТ ЛИЦА́ АВЕССАЛО́МА,
СЫ́НА СВОЕГО́, 3**

²Го́споди, что ся умно́жиша сту-
жа́ющие ми? Мно́зи востаю́т на мя,
³мно́зи глаго́лют души́ мое́й: несть
спасе́ния ему́ в Бо́зе его́. ⁴Ты же, Го́с-
поди, Засту́пник мой еси́, сла́ва моя́
и вознося́й главу́ мою́. ⁵Гла́сом мо́им
ко Го́споду воззва́х, и услы́ша мя от
горы́ святы́я Своея́. ⁶Аз усну́х и спах,

воста́х, я́ко Госпо́дь засту́пит мя. ⁷Не убою́ся от тем люде́й, о́крест напа́дающих на мя. ⁸Воскресни́, Го́споди, спаси́ мя, Бо́же мой, я́ко Ты порази́л еси́ вся вражду́ющыя ми всу́е: зу́бы грѣшников сокруши́л еси́. ⁹Госпо́дне есть спасе́ние, и на лю́дех Твои́х благослове́ние Твоё.

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́, Бо́же. (*Трижды.*)

Го́споди, поми́луй. (*Трижды.*)

Сла́ва Отцу́ и Сы́ну и Свято́му Ду́ху.

Поко́й, Го́споди, ду́шу усо́пшего раба́ Твоего́ (*или: усо́пшия рабы́ Твоея́*) (*имя*) (*поклон*), и ели́ко в жити́и сем, я́ко челове́к, согреши́, Ты же, я́ко Человеколю́бец Бог, прости́ его́ (*ю*) и поми́луй (*поклон*), вѣчныя му́ки изба́ви (*поклон*), Небе́сному Ца́рствию прича́стника (*прича́стницу*) учини́ (*поклон*) и душа́м на́шим поле́зная сотвори́ (*поклон*).

И ны́не и прѣсно и во ве́ки веко́в. Ами́нь.

¹В КОНЕЦ,

В ПЕСНЕХ, ПСАЛОМ ДАВИДУ, 4

²Внегда призвати ми, услыша мя Бог правды моея, в скорби распространил мя еси, ущедри мя и услыши молитву мою. ³Сынове человечести, доколе тяжкосердиди? Вскую любите суету и ищите лжи? ⁴И уведите, яко удивил Господь преподобнаго Своего: Господь услышит мя, внегда воззвати ми к Нему. ⁵Гневайтесь, и не согрешайте, яже глаголете в сердцах ваших, на ложах ваших умилитесь. ⁶Пожрите жертву правды и уповайте на Господа. ⁷Мнози глаголют: кто явит нам благая? Знаменася на нас свет лица Твоего, Господи. ⁸Дал еси веселие в сердце моем: от плода пшеницы, вина и елея своего умножишася. ⁹В мире вкупе усну и почию, яко Ты, Господи, единого на уповании вселил мя еси.

**¹О НАСЛѢДСТВУЮЩЕМ,
ПСАЛОМ ДАВИДУ, 5**

²Глаголы моя внуши, Господи, разумей звание мое. ³Вонми гласу моленья моего, Царю мой и Боже мой, яко к Тебе помолюся, Господи. ⁴Заутра услыши глас мой, заутра предстану Ти, и узриши мя. ⁵Яко Бог не хотяй беззакония, Ты еси: не приселится к Тебе лукавнуяй, ⁶ниже пребудут беззаконницы пред очима Твоима: возненавидел еси вся делающыя беззаконие. ⁷Погубиши вся глаголющыя лжу: мужа кровей и льстива гнушается Господь. ⁸Аз же множеством милости Твоея, вниду в дом Твой, поклонюся ко храму святому Твоему, в страхе Твоем. ⁹Господи, настави мя правдою Твоею, враг моих ради исправи пред Тобою путь мой. ¹⁰Яко несть во устех их истины, сердце их суетно, гроб отверст гортань их: языки своими льщаху. ¹¹Суди им, Боже, да отпадут от мыслей своих, по множеству не-

честія их изрѣни я, яко преогорчѣша Тя, Гóсподи. ¹²И да возвеселятсѣ вси уповѣющіи на Тя, во век возрадуютсѣ, и вселѣшисѣ в них и похвалятсѣ о Тебѣ любѣящіи ѣмя Твое. ¹³Яко Ты благословѣши прѣведника, Гóсподи: яко оружіем благоволѣнія венчал еси нас.

**¹В конѣц, в пѣснех о осмóм,
псалóм Давѣду, 6**

²Гóсподи, да не яростию Твоею обличѣши менѣ, ниже гнѣвом Твоѣм накажеші менѣ. ³Помѣлуй мя, Гóсподи, яко нѣмощен есмь, исцелѣ мя, Гóсподи, яко смятóшасѣ кóсти моя. ⁴И душѣ моя смятѣся зелó: и Ты, Гóсподи, доколе? ⁵Обратѣся, Гóсподи, избѣви дúшу мою: спасѣ мя рѣди мѣлости Твоея. ⁶Яко несть в смѣрти поминѣяя Тебѣ: во аде же кто исповѣстсѣ Тебѣ? ⁷Утрудѣхсѣ воздыхѣніем моѣм, измѣю на всяку ноцъ лóже моѣ, слезѣми моѣми постѣлю мою омочú. ⁸Смятѣ-

ся от ярости око мое, обещаях во всех вразех моих. ⁹Отступите от мене, вси делающии беззаконие, яко услыша Господь глас плача моего: ¹⁰услыша Господь моление мое, Господь молитву мою прият. ¹¹Да постыдятся и смятутся вси врази мой, да возвратятся и устыдятся зело вскоре.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе, Боже. (Трижды.)

Господи, помилуй. (Трижды.)

Слава Отцу и Сыну и Святому Духу.

Покой, Господи, душу усопшего раба Твоего (или: усопшия рабы Твоея) (имя) (поклон), и елико в житии сем, яко человек, согреши, Ты же, яко Человеколюбец Бог, прости его (ю) и помилуй (поклон), вечныя муки избави (поклон), Небесному Царствию причастника (причастницу) учини (поклон) и душам нашим полезная сотвори (поклон).

И ныне и присно и во веки веков. Аминь.



¹ПСАЛОМ ДАВІДУ,**ЕГОЖЕ ВОСПЕ́Т ГО́СПОДЕВИ****О СЛОВЕСЕ́Х ХУСИ́ЕВЫХ, СЫ́НА ИЕМЕ́НІИНА, 7**

²Го́споди Бо́же мой, на Тя упова́х, спаси́ мя от всех гоня́щих мя и изба́ви мя: ³да не когда́ похитит́ яко лев ду́шу мою́, не су́щу избавля́ющу, ни же́ спаса́ющу. ⁴Го́споди Бо́же мой, а́ще сотвори́х си́е, а́ще есть неправда в руку́ мою́, ⁵а́ще возда́х воздаю́щим ми зла, да отпаду́ у́бо от враг мои́х тощ. ⁶Да пожене́т у́бо враг ду́шу мою́ и да пости́гнет, и попере́т в зе́млю живо́т мой, и сла́ву мою́ в персть вселит́. ⁷Воскресни́, Го́споди, гне́вом Твои́м, вознеси́ся в конца́х враг Твои́х, и востани́, Го́споди Бо́же мой, повеле́нием, и́мже запове́дал еси́. ⁸И сонм люде́й обы́дет Тя, и о том на высоту́ обрати́ся. ⁹Госпо́дь су́дит лю́дем: суди́ ми, Го́споди, по правде мое́й, и по незло́бе мое́й на мя. ¹⁰Да сконча́ется зло́ба грешных, и испра́виши пра́веднаго, испыта́й

сердца́ и утробы́, Бо́же, пра́ведно.

¹¹По́мощь моя́ от Бо́га, спаса́ющаго пра́выя се́рдцем. ¹²Бог — Суди́тель пра́веден и кре́пок, и долготерпе́лив, и не гнев наводя́й на всяк день.

¹³А́ще не обрати́тесь, ору́жие Своё очи́стит, лук Свой напярже́ и угото́ва и́, ¹⁴и в нем угото́ва сосу́ды сме́ртныя, стрéлы Своя́ сгара́емым соде́ла.

¹⁵Се боле́ неправдою, зача́т боле́знь, и роди́ беззакóние: ¹⁶ров изры́, и ископа́ и́, и паде́т в я́му, ю́же соде́ла. ¹⁷Обрати́тся боле́знь его́ на главу́ его́, и на верх его́ неправда́ его́ снидет. ¹⁸Испове́мся Го́сподеви по пра́вде Его́ и пою́ и́мени Го́спода Вы́шняго.

**¹В коне́ц, о точи́лех,
псалом Дави́ду, 8**

²Го́споди, Госпо́дь наш, я́ко чу́дно и́мя Твое́ по всей землі́, я́ко взя́тся великоле́пие Твое́ превы́ше небес. ³Из уст младе́нец и ссу́щих соверши́л еси́

хвалу́, враг Твои́х ра́ди, е́же разруши́-
ти врага́ и ме́стника. ⁴Я́ко узрю́ небеса́,
дела́ перст Твои́х, луну́ и зве́зды, я́же
Ты основа́л еси́. ⁵Что есть челове́к, я́ко
по́мниши егó? Или́ сын челове́чь, я́ко
посеща́еши егó? ⁶Ума́лил еси́ егó ма́-
лым чим от А́нгел, сла́вою и че́стию
венча́л еси́ егó. ⁷И поста́вил еси́ егó
над де́лы руку́ Твое́ю, вся покоря́л еси́
под но́зе егó. ⁸Овцы и во́лы вся, ещѐ же
и скоты́ польскія, ⁹пти́цы небѣсныя,
и ры́бы морскія, прехо́дящя стези́
морскія. ¹⁰Го́споди, Го́сподь наш, я́ко
чу́дно и́мя Твоѐ по всей землі.

По 1-й кафисме:

Сла́ва Отцу́ и Сы́ну и Свято́му Ду́ху, и
ны́не, и прѣсно, и во ве́ки веко́в. Ами́нь.

Аллилу́ия, аллилу́ия, аллилу́ия, сла́ва Те-
бе́, Бо́же. (*Трижды.*)

Святы́й Бо́же, Святы́й Кре́пкий, Святы́й
Безме́ртный, поми́луй нас. (*Трижды.*)

Слава Отцу́ и Сы́ну и Свято́му Ду́ху и
ны́не и прѣсно и во ве́ки веко́в. Ами́нь.

Пресвятáя Трѳице, помѳлуй нас; Гѳсподи, очѳисти грехѳ наша; Владѳико, прости беззакѳнѳя нáша; Святыѳ, посети и исцели нѳмощи нáша, ѳмене Твоегѳ ради.

Гѳсподи, помѳлуй. (*Трижды.*)

Слáва Отцѳу и Сѳну и Святѳму Дѳху и ныне и прѳсно и во вѳки веков. Амѳнь.

Отче наш, Ёже еси на Небесѳх! Да святѳтся имя Твое, да прѳидет Цáрствие Твое, да бѳдет воля Твоя, яко на небеси и на земли. Хлеб наш насѳщный даждь нам днесь, и остави нам дѳлги нáша, якоже и мы оставляем должникѳм нáшим, и не введѳ нас во искушѳние, но избáви нас от лукаваго.

Покѳй, Гѳсподи, дѳшу усѳпшего рабá Твоегѳ (*или: усѳпшия рабѳ Твоея*) (*имя*) (*поклон*), и елико в житѳи сем, яко человек, согрѳши, Ты же, яко Человеколѳбец Бог, прости егѳ (ю) и помѳлуй (*поклон*), вѳчныя мѳки избáви (*поклон*), Небѳсному Цáрствию причáстника (причáстницу) учинѳ (*поклон*) и душáм нáшим полѳзная сотвори (*поклон*).

Тропарі, глас 1: В беззаконіих зачався аз, блудный, не дерзая взира́ти на высоту Небесную, но дерзая на человеколюбие Твое, зову: Бо́же, очисти мя, грешнаго, и спаси́ мя.

Аще праведник едва́ спаса́ется, аз где явлю́ся, грешный? Тяготы́ и зно́я дневна́го не понесох, но с наёмники единонадесятаго часа́ сопричти́ мя, Бо́же, и спаси́ мя.

Слава: Объя́тия О́тча отвёрсти ми потщися, блудно моё ижди́х житіе, на богатство неизжива́емое взира́яй щедро́т Твои́х, Спа́се, ны́не обнищавшее моё да не прэзриши се́рдце. Тебе́ бо, Го́споди, умиле́нием зову́: согреші́х на Не́бо и пред Тобо́ю.

И ны́не: Упование христиа́н, Пресвята́я Де́во, Е́гоже родила́ еси́ Бо́га па́че ума́ же и сло́ва, непреста́нно моли с го́рними си́лами да́ти оставле́ние грехо́в, нам всем и испра́вление жити́я, ве́рою и любо́вию при́сно Тя чту́щим.

Го́споди, поми́луй. (40)

МОЛИТВА

Владыко Вседержителю, Непостижиме, начало света и преумная сила, Иже Ипостасного Слова Отец и Единосильнаго Твоего Духа испуститель: милосердная ради милости и неизреченная благодати не презревший человеческого естества, тьмою греха содержимаго, но Божественными светы священных Твоих учений, законом и пророки светивый миру, последи же нам того Единородного Твоего Сына благоволивый плотию возсияти и ко осиянию нас Твоего просвещения наставить: да будут уши Твои внемлюще гласу моления нашего, и даруй нам, Боже, во бденном и трезвенном сердце всю настоящего жития ночь прейти, ожидающим пришествия Сына Твоего и Бога нашего, Судий всех, да не возлежаще и спяще, но бодрствующе и воздвигени в делание заповедей Твоих обрящемся и в радость Его совнидем, идеже празднующих глас непрестанный, и неизреченная сладость зрящих Твоего лица доброту не-



изглаголанную. Я́ко Благ и Человеколю́-
бец Бог еси́, и Тебе́ славу возсыла́ем, Отцу́
и Сы́ну и Свято́му Ду́ху, ны́не и прісно, и
во ве́ки веко́в, ами́нь.





Приидѣте, поклонѣмся Царѣви нашему Богу. (Поклон.)

Приидѣте, поклонѣмся и припадѣм Христу, Царѣви нашему Богу. (Поклон.)

Приидѣте, поклонѣмся и припадѣм Самому Христу, Царѣви и Богу нашему. (Поклон.)

**¹В КОНЕЦ, О ТАЙНЫХ СЫНА,
ПСАЛОМ ДАВИДУ, 9**

²Исповѣмся Тебѣ, Господи, всем сердцем моим, повѣм вся чудеса Твоя. ³Возвеселюся и возрадуюся о Тебѣ, пою имени Твоему, Вышний. ⁴Внегда возвратится врагу моему вспять, изнемогут и погибнут